

Limpopo WASP Launch

ka Meschak Komane

Ka la di 3 Phato 2013, kua lepatlelong la Sefateng, Atok, go be go duma duma mošito o mogolo ka ge bašomi ba meepong, setshaba le baswa ba dilete tsa Sekhukhune le Limpopo ka bophara ba be ba tletše ba opela mogobo le dikosa tsa tokologo. Bašomi gotswa meepong le batho gotswa dil- eteng tse mabapi ba go feta makgolo a supa ba ile ba tlala gona kua Atok, lepatlelong la Sefateneg go tsebiša lego amo- gela ka semmušo mokgatlo wa Workers And Socialist Party (WASP) mo Limpopo. Bašomi ba go tšwa kudi meepong ya Bokoni, Steelport, le meepo ye mengwe. Gare ga megobo le dikosha tseo di bego di opelwa moo, yeo e eligo ya opelwa kudu e be ere "Limpopo ge re swaragane re le ngatana ka e tee reka dira mehlolo".

Bašomi ba Extrata Steelport Mine ebile bona ba mathomo ba goba gona mo kopanong ye ebohlokwa gona mo Atok. Bona esale ba le ntweng ya go lwela go boetswa meshomong ya bona, go lwantsha go rakwa gabona ka baka la boipelaetšo bjo ba ilego b aba lebjona kgahlanong le kgethologanyo goya le ka mmala mebaeneng.

Mong mošomo e sale a rakile omongwe le o mongwe yo a ipelaeditšego ka taba ye ya kgethologanyo go ya le ka mmala. Go tloga moo esale bašomi ba lwela gore mong mošomo a ba boetše mošomong. Bašomi ba ba ile ba opela ba rarela motse wa Atok gore maloko a motse le bona ba ba bone. Ba ile ba opela dikoša ba rarela motseng wa Atok ba swere difolaga le digatišwa tsa go bontša dillo tsa bona. Bona ba be ba opela ba swere folaga ya WASP le ya DSM. Gobe go na le baeti gotswa Carltonville le mafelo a mangwe a kgole ba be ba le gona ba opela dikoša tsa tokologo.

Diboledi dibe di dutše ka pele ga bašumi gomme ba bolela ka dillela-kgole gore bašomi

ba bakwe gabotse. Cde Weizmann Hamilton, mongwaledimogolo wa DSM ebile ele leloko la khuduthamaga ya WASP, ebile yena seboleledi sa letšatši. Yena o butši modiro ka gore "WASP e hlo- milwe go kopanya bašomi kamoka, setshaba le baswa bao ba gateletswego le go hloka". Yena o ile a reta mekgatlo yeo e eteletšego pele bašomi bjalo ka GIWUSA le AMCU, le gore mekgatlo ya bašomi kamoka ga e kopaneng. O boletše gore tlemagano ye e swanetše e a gwe kamo nageng le dinageng tše dingwe ka bophara, magareng ga metse le ditshaba tsa go lla ka ditirelo, bana ba dikolo bao ba llago ka go hlatlošwa ga ditšaleta tsa thuto kamo nageng le bašomi ka kakaretšo. Engwe polelo ebile ya go solwa ga mokgatlo wa ANC gore o fetogile goba mokgatlo wa majanoši ka mmušong. Go ile ge go bapetšwa ANC ya majanoši le WASP ya majammogo le batho ba dikobo-magetleng, gwa bonala gabotse gore



Justice Malatji, go tšwa Bokoni Labour Forum

bašomi ba thekga WASP ka ge ba ile ba letša mekgolokwane ba phaphatha le matsogo. Cde Weizman o hlalošitše gore baetapele ba mebaene ba bona dipoledišano tsa meputso ya ngwaga wo e le ebonolo kudu ge go bapetšwa le tsa 1994. Ebile ba bona gole bonolo go ka fenya bašomi ka ge kopano ya bona ele fase kudu ka mo nageng. Beng mošomo ba nyaka go bona seemo sa mebaeneng ka mo nageng se laola ke bona esego baberek, ka morago ga ditiragalo tsela ya Mari-

Bašomi, ditšhaba le mekgatlo ya bašomi kgahlaganang ntweng ya bo tee!



kana le go emeleta ga busimi meepong ye mengwe ngwagola. Bona ba itukešeditše go lwa gore seemo ka mo nageng se boele ka matsogong a bona, goswana le ka mokgwa o ba bego ba dira bo ithatelo mengwageng ya go feta, ntle le bo ipelaetsa gotswa go bašomi. "Bjalo ke lebaka leo WASP e lego karabo go taba eo". O realo Weizmann ge maloko a phaphatha matsogo.

Bašomi ba 2000 ba Extrata mine ga ba bušešwe mešomong ka potlako:

Mong mošomo wa Extrata ke yena wa mathomo yo a le-



Morena Mohlala, bego a emetše bašomi ba Extrata ba AMCU

kago go bona gore naa go a kgonega gore a ka fenya ntwa ye etswalago pele bašomi ka go raka bašomi ba dikete tse pedi le se metseng. Ebile yena o lwele le bašomi ba a leka goba fenya. Ke ka fao WASP e beago taba ye ya bašomi ba Extrata pele, ka mo nageng ka bophara. E bile ke lebaka leo le dirago gore WASP e bitše ditshaba le baberek gore gobe le letšatši la bo ipelaetsi kgahlanong le seemo se, bo ipelaetsi bjo bo swanetsego ke go thoma ke bašomi le ditshaba

tsa mo ga Sekhukhune ka moka. Le gore ditshaba le baswa bamo Ga-Sekhukhune ka bo tee bja bona ba swanetše ke go se thekge fela bašomi ba Xstrata, ba swanetše ke gore ba nyake mebereko emengwe e meswa yeo ekabago e 100 000, go lekana le nomoro ya batho bao ba ilego a laetsa kgahlego ya mešomo go-dimo ga bo ipeletso bjo bja go dira ke taolo ya moepo wa Xstrata e le ge o leka go aragona bašomi le setshaba ka go bapatsa mešomo yeo e sanego beng.

Dipolelo tše tsa Weizmann di ile



Liver Mngomezulu, motlatšatonakgolo ya National Transport Movement

taša thekga ke AMCU le baetapele ba yona. Cde Mohlala, yo a bego a emetše bašomi ba Extrata ba AMCU, o ile a utulla sephiri sa gore beng mešomo ba mebaeneng ba ikemišeditše go fokotša mebereko e 250 000 ka mengwaga e mehlano yeo e sa tlago. Yena o ile a lemoša gore bašomi ba swanetše ba ipope kgahlanong le taba ye. Cde Mohlala o boletše gore e sale a bone Cde Weizmann mengwageng e 20 ya go feta ge ba be ba le gare ba ithuta ka gare Marxist Workers Ten-

dency, e bego e le sehloha la bašomi ka gare ga ANC bao be bego ba lwela boetapele, dekgopolo, mano le mananeo ao a bego a ka dira gore ANC etle e be mokgatlo wa majammogo le go tlisa tokologo e feletseng go setshaba ka moka. DSM e tswa mo sehlopheng se sa go tlogela ANC ka 1996 ge ba bona gore e molelang gore e a rekisa. Yena o retile Cde Weizmann ka gose hweng matwa mo ntweng ya bašomi le go leka go huetša ditshaba gore bojamongo (socialism) ke yona tsela ya maleba go lo-kolleng batho bohole le go fedisha bohlaki, go phala bojanoši (capitalism).

Justice Malatji, go tšwa Bokoni Labour Forum, o boletše legatong la bašomi ba Atok. O boletše gore ga bana le kgetho empa go ikgokaganya le mekgatlo e mengwe ya bašomi ka ge NUM e ile ya ba rekiša. Mo kopanong ye ebe ese bašomi ba mebaeneng feela. Liver Mngomezulu, motlatšamoakamedu wa National Transport Movement, e lego engwe ya go ngalela COSATU le SATAWU, o ile a ema batho ka lefoko, a hlalosa gore mo mokgatlong was WASP re rata go kgahlagana kgahlanong le lenaba e lego majanosi le pušo ya bona ya ANC. Ba boletše gore mekgatlo kamoka ya bašomi ga e kgahlaganeng ka fase ga mokgatlo o tee wa bašomi, baswa le ditshaba tše kobo dimagetleng, ele go WASP. Matsogo a be a fela a emiša diboledi e le ge bašomi ba thabela ditaba tše.

Trevor Shaku go tšwa go Socialist Youth Movement o boletše legatong la baswa gore hlokego ya mešomo e dira ke gore meepo ya mo nageng ya gaborena ga se ya ikemišetša go hlola mešomo. Kopano ye e ile ya tswalelwka ke Liv Shange, seboleledi sa DSM, mo a ilego a re "Beng mošomo ba phela ba tshogile ntwa ya bašumi. Ba phela ba tshogile lege dikgetho difetile". Yena o ile a re go hlomiwa ga WASP ga se feela go rekediša dikgetho empa go kopanya bašomi kamoka ka kakaretšo kgahlanong le beng mešomo bao ba ikemišeditše go raka bašomi, le go nyaka bophelo bjo bo kaone ditshabeng. Ge a fetša go bolela diopedi di ile tsa tšwelapele ka go opela "Majonosi a roromela..." Let-satsi e bile le legolo, batho ba ile ba phatlalala ka molaetsa wa tshepho le maikemešetšo a go aga makala a WASP mo Limpopo ka bophara. Mogobo e be le wa matla le phenyo.



People dancing and singing at the launch in the Sefakeng Stadium in Atok